

Na osnovu člana 55. Statuta Općine Ilijaš, prečišćeni tekst ("Službene novine Kantona Sarajevo", broj: 20/09 i 46/18) i člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19), Općinsko vijeće Ilijaš na svojoj redovnoj 40. sjednici održanoj 25. marta 2020.godine, donijelo je:

ODLUKU

o davanju saglasnosti na
PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ"
za 2020.godinu

Član 1.

Daje se saglasnost na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2020. godinu, broj:30/03/2020 od 17.03.2020. godine, koji je sastavni dio ove Odluke.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-_____-__/20
Ilijaš, 25. mart 2020.godine

Predsjedavajuća
Općinskog vijeća Ilijaš

Alma Omerović

Obrazloženje:

Programom rada Općinskog vijeća Ilijaš za 2020. godinu u mjesecu martu planirano je donošenje Odluke o davanju saglasnosti na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2020. godinu.

Pravni osnov za donošenje Odluke o davanju saglasnosti na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2020. godinu nalazi se u članu 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09 i 46/18) kojim su definisane nadležnosti Općinskog vijeća i u članu 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19) kojim su definisani propisi koje donosi Općinsko vijeće.

U skladu sa članom 63. Pravila JAVNE USTANOVE "KULTURNO-SPORTSKI CENTAR I RADIO ILIJAŠ" : "Ustanova redovno donosi Godišnji plan rada.

Nacrt Godišnjeg plana rada obrađuje direktor, predlaže Upravni odbor i usvaja Osnivač.

Godišnjim planom rada obuhvaćaju se poslovi i zadaci za tekuću godinu, potrebni kadrovi, materijal i novčana sredstva, unaprijeđenje kvaliteta usluga, saradnja sa drugim subjektima, korisnicima usluga, osnivačem i regulišu druga pitanja kojima se pospješuje proces rada i pružanje usluga."

Prijedlog PLANA RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2020. godinu, utvrdio je Upravni odbor na redovnoj petoj sjednici održanoj 17.03.2020.godine.

Predlagač Odluke je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10, 18/15 i 7/19/.

Obrađivač Odluke je Služba za društvene djelatnosti i poslove mjesnih zajednica Općine Ilijaš.

Nosilac stručne obrade PLANA RADA JAVNE USTANOVE "KULTURNO-SPORTSKI CENTAR I RADIO ILIJAŠ" za 2020.godinu je Menadžment i Upravni odbor JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ.

Predlažemo Općinskom vijeću Ilijaš da Odluku o davanju saglasnosti na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" za 2020.godinu donese u predloženom tekstu.

***JAVNA USTANOVA „KULTURNO SPORTSKI – CENTAR I RADIO
ILIJAŠ“ ILIJAŠ***

PLAN RADA Z A 2020. GODINU

Ilijaš, mart, 2020. godine

UVOD

Javna ustanova „KULTURNO-SPORTSKI CENTAR I RADIO ILIJAŠ“, je multidisciplinarna ustanova, te se finansira iz budžeta Općine Ilijaš, sredstava Kantona Sarajevo i vlastitih sredstava.

Svoje prve korake, KSC i RADIO ILIJAŠ, otpočeo je davne 1978. godine, kao Centar za kulturu i informisanje.

Danas, JU „KSC I RADIO ILIJAŠ“ raspolaže sa tri objekta:

- Glavnom zgradom, koja u svojoj strukturi ima Biblioteku, Kino salu i Radio Ilijaš;
- Sportsku dvoranu koja je počela sa radom 2006. godine;
- Infrastrukturnim objektima Antenski stub i kućica na lokaciji Karašnica

Svi objekti kojima Ustanova raspolaže su u jako lošem stanju. Glavna zgrada ima dugogodišnji problem sa zastarjelom stolarijom i toaletima, te očekujemo da se ove godine izvrši sanacija kompletnog objekta, za što postoji urađen i projekat.

JU „KSC I RADIO ILIJAŠ“ je svih prethodnih godina, pored organizovanja brojnih koncerata raznih muzičkih žanrova, pozorišnih predstava, likovnih izložbi, promocija knjiga, filmskih produkcija, edukativnih radionica, općinskih manifestacija, svoj sadržaj proširila i na organizaciju sedmodnevne manifestacije kulture, sporta i trgovine „Ilijaški dani“.

Na ovaj način omogućeno je svim sportskim klubovima i udruženjima da kvalitetno obavljaju svoje aktivnosti i time postao vodeći centar za većinu kulturno-sportskih, edukativnih i ostalih društvenih zbivanja na području općine Ilijaš.

U svrhu pružanja što boljih usluga našim korisnicima i građanima Općine Ilijaš, menadžment i uposlenici JU „KSC I RADIO ILIJAŠ“ nastojat će da i u 2020. godini pruže kvalitetnu uslugu svim korisnicima naših usluga.

PLANOVI ZA 2020. GODINU

KULTURA

„Nisu ljudi stvorili kulturu, kultura je stvorila ljude“. Citirana rečenica nam mora davati podstrek da što više ulažemo u kulturu i u tom pravcu utičemo na mlade generacije.

Organizujući kulturne događaje, moramo primjetiti da interes zna biti jako slab, pa čak i nikakav.

Nerijetko smo bili u prilici, zbog loše posjete, odgoditi već planirane kulturne aktivnosti a razlog je nedostatak interesa, posebno kada je riječ o komercijalnim događajima.

Sve gore navedeno ukazuje da više pažnje moramo posvetiti mlađim generacijama kako bi kod njih razvili interes za knjigu, pozorište, film i umjetnost uopšte.

Jedan od projekata koji bi mogao doprinijeti većem interesu je i ŠKOLA GLUME, koju bi mogli realizirati u suradnji sa školama već ove godine.

JU „KSC I RADIO ILIJAŠ“ je glavni nosilac organiziranja Manifestacije ILIJAŠKI DANI, koja mora potpuno promijeniti svoj koncept.

Očekujemo da se ove godine zbog novoizgrađenog trga napravi potpuna reorganizacija Manifestacije, da se preferiraju kulturni i sportski sadržaji, a trgovina potpuno eliminiše.

Za realizaciju ovakvog koncepta potrebno je donijeti odluku o skraćivanju Manifestacije na manji broj dana koji će biti ispunjeni kvalitetnim kulturnim i sportskim sadržajima financiranim iz budžeta.

Pored kulturnih događaja kojih sigurno manjka i moraju biti češći ostaje rješavanje tehničkih nedostataka (rasvjeta i adekvatno ozvučenje).

Trajni zadatak ove Ustanove je organizovanje kulturnih sadržaja, što češće, pri čemu ne smije biti zanemaren kvalitet kao i edukativni karakter.

Saradnja sa pozorišnim kućama, školama i drugim ustanovama čiji zadatak je afirmacija kulture i kulturnih vrijednosti, ostaje naš stalni zadatak i cilj.

Naša nastojanja da se „veliki „ događaji poput Sarajevske zime, Sarajevo Film Festivala, Festivala malih i eksperimentalnih scena i slično konačno počnu realizirati u našem gradu još uvijek su bez rezultata, jer veliki projekti zahtijevaju više novca koje Ustanova nemože izdvojiti te je nužno uključiti i druge koji mogu dati svoj doprinos.

Odgovorni moraju shvatiti da je novac uložen u kulturu poticaj razvoju duhovnih vrijednosti koje nas određuju u nacionalnom smislu.

PLAN RADA SPORTSKE DVORANE U 2020. GODINI

Sportska dvorana, koja je počela sa radom 2006. godine, raditi će na omogućavanju kvalitetnijih uslova za rad svih sportskih klubova i kolektiva, udruženja, škola ali i pojedinaca sa područja općine Ilijaš i tokom 2020. godine. Kao i prethodne godine, očekujemo da se većina sportskih, kulturnih i edukativnih aktivnosti te događaja sa područja općine Ilijaš realizuje u prostornim kapacitetima sportske dvorane, budući da je tokom prethodne godine realizovano VIŠE OD 1.500 besplatnih termina za naše korisnike, što svjedoči o uspješnoj saradnji Ustanove sa sportskim kolektivima i udruženjima.

JU „KSC I RADIO ILIJAŠ“ i dalje će pružati punu podršku u realizaciji svih kulturno-sportskih i edukativnih dešavanja u našem gradu. Planiramo nastaviti saradnju i sa SŠC „Nedžad Ibrišimović“ i OŠ „Hašim Spahić“. Kolektiv JU „KSC I RADIO ILIJAŠ“ u prethodnim godinama uložio je maksimalne napore u rješavanju problema zagrijavanja dvorane, kako bismo našim korisnicima pružili što kvalitetniju uslugu.

Osnovni zadatak ove Ustanove je da pod opštim uslovima omogućava korisnicima:

- održavanje treninga i utakmica
- održavanje rekreacije
- održavanje manifestacija raznih vidova

Planirano je pružanje usluga takmičarskom i rekreativnom sportu, kao i pružanje usluga vrhunskom sportu usklađenim sa planiranim budžetskim sredstvima za treninge klubova.

U 2020. godini planira se omogućavanje korištenja kapaciteta sportske dvorane za sljedeće potrebe: klubovima iz organizovanog sistema takmičenja;

svim reprezentativnim selekcijama; organizacijama rekreativaca organizovanim u raznim ligama, finalnim školskim takmičenjima; studentskim sportskim igrama, školama fudbala, košarke, odbojke, borilačkih i drugih sportova.

U toku 2019. godine uložili smo krajnje napore kako bismo sanirali krov i zaštitili podlogu u Sportskoj dvorani i tribine, koji su direktno bili izloženi vremenskim nepogodama. Urađen je projekat utopljavanja zgrade Sportske dvorane i sanacije krova, te očekujemo da će u 2020. godini ovaj projekat konačno biti realizovan.

PLAN RADA GRADSKE BIBLIOTEKE ZA 2020. GODINU

Kada su u pitanju planovi za 2020. godinu, možemo reći da su oni u najvećoj mjeri vezani za proširenje kapaciteta za smještanje bibliotečkog fonda. Već u izvještaju za 2019. godinu smo naveli da se suočavamo sa ozbiljnim problemom pri smještanju publikacije jer su nam police pretrpane, pa već postoji realna mogućnost da se neka od njih polomi ili uruši i tako eventualno ozlijedi korisnika ili uposlenika, ali bi time u najmanju ruku došlo do oštećenja samih publikacija. Ovaj problem već neko vrijeme rješavamo time što određen broj publikacija koje se manje traže prebacujemo u magazin, ali to je nužno rješenje jer taj prostor nije adekvatan za trajnije smještanje knjiga, niti je praktično da knjige ne budu na dohvat ruke čitaocu.

Mi smo ovaj problem delegirali Općini Ilijaš sa prijedlogom da nam se dodijeli susjedna kancelarija koju trenutno koristi Osnovna muzička škola, u koju bi se, uz probijanje vrata proširili i time dobili dodatni prostor dovoljan da riješimo smještaj knjiga na duži period. No, obzirom da već duže vrijeme planiramo uspostavljanje čitaonice i multimedijalnog prostora za igraonice, druženje čitalaca, promocije knjiga i sl., cijenimo da bi još bolja bila varijanta u kojoj bi nam se dodijelio prostor sadašnjeg solfeđa, koji je prije dolaska Muzičke škole bio predviđen i donatorskim sredstvima opremljen za čitaonicu i ostale navedene namjene.

Ovim od osnivača tražimo da odmah reaguje i pomogne nam u rješavanju ovog problema jer već sad, ponavljamo – **nemamo prostora za smještaj knjiga**. U 2020. godini planiramo uvođenja jedinstvenih brojeva članskih karti za čitaoce, tako da će svaki čitalac imati svoj broj, sa stalnom plastificiranom članskom kartom sa brojem i bar kodom na njoj. Za ove namjene potrebna su nam određena materijalna sredstva i pomagala, što ćemo pokušati riješiti kroz projekt prema Fondaciji za bibliotečku djelatnost ili prema nadležnom kantonalnom Ministarstvu.

Nastavićemo sa praksom uspješne saradnje sa ilijaškim školama u pogledu posjete učenika biblioteci i realizaciji projekta povećanja broja čitalaca i omasovljenja čitanja među djecom i školskom omladinom, ali i starijim.

Također i ove godine planiramo organizovati veći broj promocija knjiga i književnih večeri, te druženje pisaca sa najmlađim čitaocima.

Posjeta sajmovima knjiga i saradnja sa izdavačima su aktivnosti koje već godinama uspješno provodimo, tako da s pravom očekujemo da tu aktivnost jednako uspješno provedemo i 2020. godine.

PLAN RADA RADIO ILIJAŠA 2020

Sušтина programske politike i dalje će biti samostalnost u uređivanju i proizvodnji programa. U radijskom programu bit će tretirane lokalne teme a u prvom planu bit će građani i one institucije koje zastupaju interese građana. U programu Radija Ilijaš bit će zastupljeni i sadržaji koji se bave nacionalnim, regionalnim, evropskim i svjetskim aktuelnim temama. Također, bit će analizirana funkcionalnost pojedinih emisija i sadržaja kako bi se ispoštovali zahtjevi i interesi ciljne publike Radija, ali i zadovoljila načela zasnovana na općim profesionalnim standardima, propisima i pravilima Regulatorne agencije za komunikacije.

Primarni programski ciljevi

- Praćenje svih događaja, manifestacija na području općine Ilijaš i šire
- Realizovanje većeg broja terenskih emisija iz MZ općine Ilijaš
- Praćenje privrednih, kulturnih i sajamskih manifestacija
- Direktno praćenje svih manifestacija na lokalnom nivou
- Unapređenje postojeće saradnje sa domaćim adistanicama na razmjeni programskih sadržaja
- Jača saradnja sa susjednim radio stanicama
- Apliciranje za sponzorisanje projekte (ministarstva, općine)
- Naglašena promocija procesa digitalizacije radija
- Nova desetogodišnja dozvola za rad
- edukacija i usavršavanje profesionalnog rada novinara
- dodatni nagažman sektora marketinga i novine u prezentaciji
- zamjena predajnika na Nišićima

U programskom planu navedeni su i predstavljeni svi programski sadržaji koji će biti proizvedeni i emitovani u 2020. godini. Radio Ilijaš emitovat će program 12 sati dnevno, Ljetna shema Radija, koja se razlikuje od stalne, traje od juna do septembra. U ljetnoj shemi reprizira se dio sadržaja proizvedenih u tekućoj godini, ali i pokreću novi projekti koji sadržajno nisu zastupljeni u redovnoj shemi. Radio će emitovati široki spektar informativnog, sportskog, kulturno-umjetničkog, obrazovnog, zabavnog, edukativnog, vjerskog, dokumentarnog i muzičkog programa kao i sadržaja za djecu i mlade.

U programu svakodnevno će biti emitovani aktuelni informativni sadržaji iz našeg grada, ali i ostalih gradova BiH. U programskoj shemi, u skladu s posebnim programskim uvjetima dozvole, zastupljene su dnevne vijesti, centralni dnevnik "Vijesti u 5", sedmična hronika,

snimci sjednica Općinskog vijeća Ilijaš. U okviru Redakcije informativnog programa bit će realizovani sportski i kulturno-umjetnički sadržaji.

Radio Ilijaš sedmično će emitovati najmanje jedan sat programa s kulturno-umjetničkim sadržajima.

Sportski sadržaji najzastupljeniji su u dane vikenda, kada se direktno prate lokalni sportski događaji, kao i u sedmičnoj emisiji „Sport ponedjeljkom“.

U okviru Zabavno-edukativnog i Muzičkog programa bit će emitovani brojni sadržaji muzičko-zabavnog i revijalnog karaktera, i to u okviru "Jutarnjeg programa" te specijalizovanih emisija govorno-muzičkog karaktera.

Radio Ilijaš, kao i 24 godine do sada, u svojoj programskoj shemi imat će uvrštene redovne emisije Vjerskog programa konstitutivnih naroda BiH, a pored redovnih planirane su i specijalne emisije uz vjerske blagdane u trajanju do dva sata, čime se znatno povećava broj proizvedenih sati ove vrste programskih sadržaja. Sadržaji s vjerskom tematikom plasiraju se i u okviru drugih emisija Zabavno-edukativnog i Informativnog programskog sadržaja.

Radio Ilijaš sedmično će emitovati najmanje jedan sat vjerskog programa, najmanje sedmično sat vremena sadržaja namijenjenih djeci.

Odstupanja od redovne programske sheme moguća su zbog vanrednih informativnih sadržaja, državnih i vjerskih praznika, značajnih jubileja, projekata s lokalnim zajednicama (terenske emisije - otvoreni program), sponzorisanih emisija, sportskih prijenosa, koncerata i sl.

Svakodnevno će se raditi na ažuriranju web stranice i postizanju aktuelnosti, posebnom serijalu Ramazanski program, Izborni program po najvišim profesionalnim standardima, uanpredenju tehnike i studijsko-režijskog backgraunda, edukacijama za novinare i pripravnike, izradi dvije programske sheme, radionicama te nagradnim igrama i projektima kojima je cilj edukacija, zabava, ali i nagrađivanje slušatelja i posjetitelja web stranice.

Specijali će obuhvatati obilježavanje svih važnih datuma, manifestacija, vjerskih i državnih praznika, godišnjice radija i sl.

Prijedlog plana i programa rada sa finansijskim planom dostavlja se Nadzornom i Upravnom odboru na razmatranje i upućivanje na dalju proceduru prema Općinskom vijeću.



Direktor Ustanove:

Benis Fazlić

FINANSIJSKI PLAN
JU KSC I RADIO ILIJAŠ ZA 2020. GODINU

R/B	VRSTA PRIHODA	PLAN 2019.	IZVRŠENJE 2019	PLAN 2020	Index	
					3/5	4/5
1	2	3	4	5	6	7
	I PRIHODI IZ BUDŽETA					
1.	Tekući transfer iz Budžeta Općine Ilijaš	300.000	338.000	350.000	117%	104%
2.	Tekući transfer iz Budžeta Kantona Sarajevo	25.000	19.393	25.000	100%	129%
3.	Kapitalni transferi iz Budžeta Općine	0	7.000	18.000	0%	257%
4.	Projekti i programi	20.000	20.616	20.000	100%	97%
	Prenos sredstava iz prethodnog perioda		7.692			
	UKUPNO (PRIHODI IZ BUDŽETA) :	345.000	392.701	413.000	120%	105%
	II VLASTITI PRIHODI					
1.	Prihodi od članarine - biblioteka	2.000	1.714	2.000	100%	117%
2.	Prihodi sportske dvorane	25.000	9.026	11.000	44%	122%
3.	Prihod kino sala	2.000	701	2.000	100%	285%
4.	Prihod od marketinga	30.000	22.827	15.000	50%	66%
5.	Prihod od zakupnina	90.000	80.908	90.000	100%	111%
6.	Ostali prihodi	2.000	86	500	25%	0%
	UKUPNO (VLASTITI PRIHODI) :	151.000	115.262	120.500	80%	105%

I PRIHODI IZ BUDŽETA	345.000	392.701	413.000	120%	105%
II VLASTITI PRIHODI	151.000	115.262	120.500	80%	105%
SVEUKUPNO PRIHODI	496.000	507.963	533.500	108%	105%

R/B	VRSTA RASHODA	PLAN 2019.	IZVRŠENJE 2019	PLAN 2020	Index	
					3/5	4/5
1	2	3	4	5	6	7
1	Bruto plate	275.000	292.080	296.000	108%	101%
2	Naknade iz radnog odnosa - topli obrok	27.000	26.115	27.000	100%	103%
3	Naknade za prijevoz na posao	5.000	4.200	5.000	100%	119%
4	Doprinosi na teret poslodavca	30.000	30.668	31.500	105%	103%
5	Naknade po osnovu regresa, bolesti i smrti	7.500	6.180	8.500	113%	138%
6	Naknade članovima upravnih i nadzornih odbora	8.500	7.463	8.500	100%	114%
7	Izdaci za druge samostalne djelatnosti i povremene	6.000	4.893	6.000	100%	123%
8	Posbna naknada na dohodak za zaštitu od prirodnih	2.000	2.036	2.500	125%	123%
9	Izdaci za kancelarijski mat. i mat. za održavanje	4.000	1.668	4.000	100%	240%
10	Nabavka knjiga za biblioteku	5.000	2.969	5.000	100%	168%
11	Računovodstvene usluge	4.000	2.564	4.000	100%	156%
12	Ostale ugovorene usluge	5.000	5.896	6.000	120%	102%
13	Usluge osiguranja imovine i uposlenika	5.000	3.645	5.000	100%	137%
14	Troškovi goriva i prijevozne usluge	5.000	3.191	5.000	100%	157%
15	Izdaci za električnu energiju	20.000	18.162	20.000	100%	110%
16	Izdaci za centralno grijanje	45.000	45.274	48.000	107%	106%
17	Izdaci za vodu, kanalizaciju i odvoz smeća	2.000	3.805	5.000	250%	131%
18	Izdaci za poštanske i telefonske usluge	5.000	3.474	5.000	100%	144%
19	Izdaci za usluge interneta	1.000	776	1.000	100%	129%
20	Usluge reprezentacije	2.000	2.964	3.000	150%	101%
21	Troškovi usluga platnog prometa	2.000	1.082	2.000	100%	185%
22	Troškovi najamjivanja imovine i opreme	10.000	10.848	10.000	100%	92%
23	Ostale naknade i takse	500	186	500	100%	269%
24	Otpis sitnog inventara	0	890	500	0%	56%
25	Troškovi sponzorstva, nagrada i sl.	2.000	1.530	2.000	100%	131%

26	Izdaci za tekuće održavanje zgrada i opreme	10.000	22.305	15.000	150%	67%
27	Naknade po osnovu dozvola regulatornih agencija	5.000	1.120	5.000	100%	446%
28	Ostali nespomenuti rashodi	2.500	1.000	2.500	100%	250%
	UKUPNO :	496.000	506.985	533.500	108%	105%

JU KSC I RADIO ILIJAŠ

-NADZORNI ODBOR-

Broj:

Ilijaš:

Na osnovu člana 27. Uredbe sa zakonskom snagom o ustanovama („Službeni list R BiH“, broj: 6/92,8/93, i 13/94), člana 13. Odluke o osnivanju JU „KULTURNO-SPORTSKI CENTAR I RADIO ILIJAŠ“ (Službene novine Kanton Sarajevo , broj: 2/00 i 18/10), člana 63. Pravila JU „KULTURNO-SPORTSKI CENTAR I RADIO ILIJAŠ“, Nadzorni odbor na svojoj redovnoj sjednici održanoj 17.03.2020. godine donio:

ODLUKU

o utvrđivanju prijedloga PLANA RADA JU „KULTURNO-SPORTSKI CENTAR I RADIO ILIJAŠ“ za 2020. god.

Član 1.

Utvrđuje se prijedlog PLANA RADA JU „KULTURNO-SPORTSKI CENTAR I RADIO ILIJAŠ“ za 2020. god., koji je sastavni dio ove odluke.

Član 2.

Ova Odluka stupa na snagu danom donošenja.

Predsjednik Nadzornog odbora

Mirsad Kustura



JU KSC I RADIO ILIJAŠ

-UPRAVNI ODBOR-

Broj:
Ilijaš:

Na osnovu člana 27. Uredbe sa zakonskom snagom o ustanovama („Službeni list R BiH“, broj: 6/92,8/93, i 13/94), člana 13. Odluke o osnivanju JU „KULTURNO-SPORTSKI CENTAR I RADIO ILIJAŠ“ (Službene novine Kanton Sarajevo , broj: 2/00 i 18/10), člana 63. Pravila JU „KULTURNO-SPORTSKI CENTAR I RADIO ILIJAŠ“, Upravni odbor na svojoj redovnoj sjednici održanoj 17.03.2020. godine donio:

ODLUKU

o utvrđivanju prijedloga PLANA RADA JU „KULTURNO-SPORTSKI CENTAR I RADIO ILIJAŠ“ za 2020. god.

Član 1.

Utvrđuje se prijedlog PLANA RADA JU „KULTURNO-SPORTSKI CENTAR I RADIO ILIJAŠ“ za 2020. god., koji je sastavni dio ove odluke.

Član 2.

Ova Odluka stupa na snagu danom donošenja.



Predsjednik Upravnog odbora

Mersiha Duraković